



sustainable thriving achieving

East Dunbartonshire Council

www.eastdunbarton.gov.uk

Co-chomhairleachadh Plana Gàidhlig Siorrachd Dhùn Breatann an Ear

Ro-ràdh

Ann an co-rèir ri ar gealltanais a thaobh Achd na Gàidhlig (Alba) 2005, thòisich sinn air co-chomhairleachadh agus conaltradh às leth dreach Plana Gàidhlig 2024-2029. Ghabh an co-chomhairleachadh àite eadar 6^{mh} Samhain 2023 agus 17^{mh} Dùbhlachd 2023. Chuir sinn pròiseas co-chomhairleachaidh farsaing air bhonn gus Plana Gàidhlig 2023-28 ath-sgrùdadh agus a thoirt gu buil.

Air ar stiùireadh leis an fheallsanachd “Dh’iarr sinne, thuirt sibhse, agus tha sinn a’ coileanadh”, b’ e ar n-amas èisteachd gu gnìomhach ri molaidhean, beachdan agus beachd-smuaintean na coimhearsnachd, a’ dèanamh cinnteach gu bheil na guthan aca aig cridhe leasachaidh air plana èifeachdach, brìoghmhor agus tomhaiseil. Tha an aithisg seo a’ mìneachadh nam prìomh thoraidhean agus nan gnìomhan molta a dh’èirich às ar n-oidhirpean an lùib co-chomhairleachadh leudaichte.

Dh’iarr sinne

Dh’iarr sinn ur beachdan air an dreach Plana Gàidhlig 2024-29 againn, gus cuideachadh le Gàidhlig a leasachadh nar coimhearsnachd am measg gach buidheann aoise, le cuimse làidir air Foghlam tro Mheadhan na Gàidhlig (FMG).

Thuirt sibhse

Fhuair sinn 253 fregairtean don t-suirbhidh air-loidhne. A thuilleadh air sin, ghabh 68 dhaoine fa leth com-pàirt nar ceithir seiseanan den bhuidheann fòcais, a’ gabhail a-steach coimhearsnachd, treas roinne agus buidhnean a’ riochdachadh bhuidhnean co-ionannachd. Bha na sgoiltean ionadail an sàs mar a bha clubaichean òigridh agus buidhnean a dh’fheumas taic. Am measg chom-pàirtichean bha daoine bho mhion-bhuidhnean cinnidheach a bharrachd air buidhnean taic airson slàinte inntinn agus sunnd.

Thuirt ceud agus ochdad neach-freagairt nach eil Gàidhlig aca, agus chomhairlich ceud ceathrad ’s a h-aon gu bheil Gàidhlig aca. Bha ceud naochad ’s a h-aon de na com-pàirtichean fireann, agus ceud fichead ’s a sia boireann, agus ròghnaich ceathrar dhaoine gun freagairt.

Bha an raon aoise air a dheagh riochdachadh le caogad ’s a dhà fo aois 16 bliadhna a’ freagairt, ceathrad ’s a còig de 16–25 bliadhna, trithead ’s a seachd 25–34 bliadhna, caogad ’s a dhà 35–44 bliadhna, ceathrad ’s a dhà 45–54 bliadhna, trithead ’s a naoi 55–64 bliadhna agus caogad ’s a ceithir 65+ bliadhna a’ freagairt.

Bha com-pàirt san t-suirbhidh a’ còmhach diofar choimhearsnachdan cruinn-eòlasach leithid Drochaid an Easbaig le naochad neach-freagairt, seasgad ’s a còig ann am Bearsden, ceathrad ’s a trì ann an Cathair Cheann Tulaich, fichead ’s a seachd anns an Lèanaidh, fichead ’s a sia ann am Muileann Daibhidh, naoi deug

ann an Achadh an Fheàrna, còig deug ann am Baile a' Mhuilinn Chamsaidh, a dhà dheug ann am Baile na Leamhnachd, còig anns na Torrannan, trì ann an Twecher agus sia deug bho cheàrnaidhean eile ann an Siorrachd Dhùn Breatann an Ear.

Chomhairlich a' mhòr-chuid de luchd-freagairt (221 a-mach à 321) gun robh iad ag aontachadh leis a' mhodh-obrach fharsaing agus in-ghabhalach a bha a' Chomhairle a' gabhail, a thaobh a' Phlana Ghàidhlig. Bha sin 69% gu h-iomlan.

Nochd a' mhòr-chuid de luchd-freagairt gun robh iad ag aontachadh leis an amas air taic a thoirt don Ghàidhlig gu bhith nas tarraingiche do dhaoine fa leth agus teaghlaichean (dh'aontaich 221 a-mach à 321 leis an dòigh-obrach seo).

Tha sinn a' coileanadh

Chan eil sinn den bheachd gu bheil an co-chomhairleachadh poblach air riatanas sam bith a thogail airson atharrachadh bunaiteach a dhèanamh air a phlana a tha molta. Tha am plana a tha an làthair sùbailte gu leòr gus beachdachadh air mòran de na puingeann a thog luchd-freagairt.

Leanaidh sinn air adhart a' gabhail ris an fhiosrachadh air ais a fhuair sinn sa cho-chomhairleachadh seo gus ruigsinneachd air ar seirbheisean san àm ri teachd a leasachadh. Tha sinn ag obair gu dìcheallach gus dèanamh cinnteach nach eil cànan na chnap-starra do neach sam bith aig a bheil feum oirnn. Taobh ri taobh leis an obair seo, cumaidh sinn a' cur taic ris a' Ghàidhlig, gus an lean i oirre faicsinneach agus clastinneach air feadh ar buidhinn agus taobh a-staigh nan coimhearsnachdan eadar-mheasgte a tha sinn a' frithealadh.

Crìoch

Tapadh leibh uair eile airson ur cuid ùine agus in-chur. Ma bhios tuilleadh cheistean agaibh no feum air fiosrachadh a bharrachd, feuch gun cuir sibh fios thugainn. Faodaidh sibh post-d a chur gu